



Kada bi prošla trećina noći, Poslanik, sallallahu alejhi ve sellem, bi ustajao i govorio: "O ljudi, spominjite Allaha."

Ubejj b. Ka'b prenosi: „Allahov Poslanik, sallallahu 'alejhi ve sellem, bi, kada bi prošla trećina noći, ustao i povikao: 'O ljudi, spominjite Allaha. Približava se dan kada će se prvi put puhnuti u rog, a zatim i drugi put! Približava se smrt s onim što sa sobom nosi!' Ubejj reče: 'Allahov Poslaniče, želim povećati učenje salavata na tebe, pa koliko ću vremena od noćnog ibadeta, provesti u učenju salavata?' 'Koliko hoćeš.' – odgovori on. 'Hoću li četvrtinu?' 'Koliko hoćeš.' – reče on – 'Ako povećaš, bolje za tebe!' 'Da provedem polovinu?' 'Koliko hoćeš.' – odgovori on - 'Ako povećaš, bolje za tebe!' Rekoh: 'Da provedem dvije trećine?' Reče: 'Koliko hoćeš.' Sve što provedeš više, biće bolje za tebe!' Rekoh: 'Cjelokupno vrijeme noćnog ibadeta provešću u učenju salavata na tebe (spominjući te salavatima)?' On će na to: 'Ako tako budeš radio, postići ćeš ono što želiš i biće ti oprosteni grijesi.'" Bilježi Tirmizi i kaže da je dobar.

[Hadis je hasen (dobar)] [Hadis bilježi Tirmizi - Hadis bilježi imam Ahmed]

Na početku hadisa se spominje da je Poslanik, sallallahu alejhi ve sellem, ustajao u trećini noći i upozoravao bi ummet na nemarnost, podstičući ga da čini ono čime će Allah biti zadovoljan. On je govorio: “O ljudi, Allaha spominjite”, tj. jezicima i srcima kako bi vas to podstaklo do što više činite dobro, a da ono što nije dobro ostavljate. U hadisu se, također, spominje da je pitalac imao dovu koju je za sebe učio, pa je mogao da trećinu toga odredi za dovu za Poslanika, i salavat ili polovinu toga ili sve, kao npr. da donosi salavat umjesto učenja dove. Potvrđena je predaja od Ebu Hurejre u kojoj stoji: “Ko na njega donese jedan salavat, Allah na njega donese deset.” Bilježi Muslim, 1/306., br. 408. Tako da mu je nagrada za salavat dovoljna. Zato u nastavku hadisa stoji: “postići ćeš ono što želiš i biće ti oprosteni grijesi.”, tj. ti tražiš da ti se neka šteta ukloni, šteta koja prouzrokuje grijeh i brigu, pa kada doneseš salavat umjesto tvoje dove, ostvarićeš cilj. Ako umjesto za sebe čini dovu za Poslanika, imat će više od onoga što bi tražio za sebe.

النجاة الخيرية
ALNAJAT CHARITY

